

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 437. Quænam in specia sint delicta, ob quæ amittitur feudum.

[urn:nbn:de:hbz:466:1-73957](#)

se esse vasallum, dominum cognoscere non posse, num sua sit jurisdictio, sed super hoc cognoscere debere Judicem alias ordinarium, & comperto, quod conventus sit vasallus, causam remitti debere decadendam ad dominum, tanquam communem astraruit Curtius loc. cit. q. 7. cum Gl. fin. in c. 1. de investit. in mari facta: quod tamen in puncto iuris non carere difficultate, ait Clar. n. 70. eò quod de jure communi Judex, coram quo opponitur declinatoria, semper cognoscatur, num jurisdictio sit sua, et si in praxi obtinere contrarium sit difficile, maximè quia revera maius est interesse domini, qui cognoscere debet & judicare, num quis sit vasallus eius, quam Judicis ordinarii. Quamvis si excipiens sit in quasi possessione vasallagii, Clar. omnino se inclinare dicat, quod dominus ipse cognoscere debeat, vel saltem Pares curiae. Porro hæc ipsa, quod dominus in dicto casu sit Judex ordinarius, procedere quoque, dum vasalli sunt clerici & dominus laicus, communem (saltem dum feudum non habetur ab Ecclesia secundum dicta Resp. 1.) dicunt Marian. in c. ex transmissa. de for. comp. in s. limit. Felin. in c. verum. eod. post. num. 3. Curt. loc. cit. q. 2. Clar. loc. cit. num. 8. eò quod, ut dictum paulo supra, Ecclesia & clericorum ratione feudi, saltem non Ecclesiastici, subiectant domino laico, prout de consuetudine attestantur Archid. in s. unic. de Cleric. conjug. in s. Guido Papa decis. 139. & de magis hodie datum communis Legistarum & Canonistarum, ideoque sequenda. Clar. cit. num. 8. in fin. semper, ut addit, salvo iudicio Ecclesia Romanæ. Et quidem procedit sine distinctione; sive agatur inter vasallos clericos de proprietate ipsius feudi, sive de possessione illius, ut Bald. in c. ceterum. de JUDIC. Aretin. ibidem. col. 4. & Decius post num. 66. Clar. loc. cit. num. 9. eò quod, ut Idem, regulariter ille debeat esse Judex in causa possessionis, qui est Judex competens in causa proprietatis. Sed neque possunt vasalli de feudo litigantes prorogare jurisdictionem alterius Judicis sine licentia ipsius domini. Bart. in l. 1. ff. de JUDIC. num. 2. Alex. in l. 1. §. post oper. ff. de oper. novi. nunc. num. 21. Curt. Jun. loc. cit. num. 5. Marant. p. 4. dist. 12. num. 19. quos citat & sequitur Clar. cu. q. 90. num. 20. eò quod, cum talis jurisdictio specialiter à lege tributa domino, non potest consensus partium contra privilegium à jure concessum quicquam operari, non fecus, ac clerici non possunt, eti vellet, consentire in Judicem laicum in præjudicium juris Ecclesiastici. Secus dicendum, si res, super qua litigant vasalli; non esset feudalis, sed alia; tunc enim possent prorogare jurisdictionem alterius domini. Vide Clarum cit. num. 10.

4. Resp. quartò: In causis feudalibus dari appellationem tam à paribus quam à domino, certum est juxta c. 1. in tit. quo temp. mil. Mynsing. cent. 5. obs. 5. Gail. l. 1. obs. 1. num. 56. &c in ea obseruanda omnia statuta à jure communi, nimur ut fiat gradatim, intra decendum &c. Mynsing. Gail. LL. cit. Fit autem ad proximum superiorem, si sit, si autem non sit, appellandum ad dominum tribunalis, nempe ordinarium, cui res subjecta est. Mynsing. Hinc, si dominus est persona Ecclesiastica, dirigenda appellatio ad superiorum illius Ecclesiasticum; si secularis, ad secularem ex quo enim is subjectus ordinario loci, ad hunc spectat corriger inferioris Judicis iniquitatem. AA. in cit. c. ceterum. cuius sententiam prævaluif se in Camera dicit Mynsing. Ceterum si dominus

feudi directus nolit vel non possit exercere jurisdictionem, tunc ad ordinarium conventi devolvitur jurisdictio, nisi sit dominus superior mediatus, qui sicut supplet & corrigit iniquitatem sententia, à qua appellatum, ita etiam negligentiam domini no-lentis judicare. Mynsing. l. c. cum Abb. l. c.

5. Resp. quintò: Reconventio quoque in causis feudalibus coram Paribus curiæ locum habet; cum, ut dictum, sint Judices ordinarii. Gail. cit. obs. 1. num. 59. citatis And. de Ifernæ in c. 1. de controv. send. apud par. term. num. 1. Afflict. ibid. n. 4. Zasio de feud. p. 2. n. 25.

Quæst. 436. Quid sit feloniam, an & qualiter ob eam vasallus privetur feudo?

1. R Esp. primò: Felonia vox barbara, feudalisticus in genere significat delictum in dominum directum commissum à vasallo, ob quod is privandus venit feudo. L. 2. feud. tit. 37.

2. Resp. secundò: Ob feloniam commissam ipso iure privatur vasallus feudo quod ad dominum illius. Gail. l. 2. obs. 21. n. 1. Rosenth. de feud. c. 10. concl. 3. quod ad possessionem verò feudi amittendam requiritur processus & sententia declaratoria commissæ felonie, & hinc incursa privationis feudi, ita ut causa cognitione citato vasallo, ad vindendum se commissæ feloniam præcedere, eaque probata sententia declaratoria sequi debeat per textum c. 1. de feud. fine culp. non amitt. Afflict. ibid. n. 13. Alex. conf. 103. n. 16. vol. 1. Bald. in c. 1. §. publici latrones. de pace tenenda. & alii, quos citat & sequitur Gail. l. c. item Rosenth. l. c. & Clar. q. 62. idem dicens de omni alia causa, ob quam amittitur feudum eò quod, ut Grammat. decis. 15. n. 2. ait: Omnia jura mundi disponentia pro aliquo crimen ipso iure imponi poenam, intelligenda esse; modo secuta fuerit sententia declaratoria, quæ declaretur, illud crimen fuisse commissum, alias poena non poterit habere executionem seu effectum suum. Nihilominus limitanda responsio ita, ut non procedat in vasallo, qui commisit feloniam notoriæ actu permanentem, quo casu dominus de facto sine sententia posset occupare feudi possessionem. V.g. si vasallus sit in notoria rebellione actu persistente contra dominum. Gail. l. c. n. 8. eò quod in notorio facti permanentis probatio in contrarium non admittatur, ut Idem cum Afflict. in c. 1. §. si quis dominum. norab. 2. n. 6. de pace tenend. adeoque nec opus sit sententiæ declaratoria; quales plures casus, in quibus in notorio non requiratur sententia declaratoria, recenset Felin. in c. cum non ab homine de JUDIC. n. 10. De cætero ad probandum ingratiitudinem erga dominum requiri testes quinque omni exceptione majores, ait Clar. q. 60. per expressum textum. c. 1. quot test. sint necess. ad prob. quem textum etiæ Molinæ; cum quibusdam aliis dicat non esse authenticum, & non servari, contrarium tamen, esseque legem, & pro lege servari debere, & ita teneri communiter, afferit Clar. loc. cit. cum Belyfisio & Bertrand.

Quæst. 437. Quænam in specie sint delicta, ob quæ amittitur feudum?

1. R Esp. Delicta hæc triplicis sunt generis, duum aliqua directe in dominum committuntur; alia indirecte offendunt illum; alia nec directe nec indirecte dominum tangunt; quia tamen multum infamant, seu gravem infamiam juris inferunt,

ferunt, impediunt, quod minus vasallus honeste in curia domini cum aliis stare possit & habentur. L. I. feud. tit. 5. 17. 21. l. 2. m. 3. 5. 6. 7. 14. 17. §. fin. & tit. 26. §. vasallus.

2. Ad primam classem spectant, in vasallum injicere violentas manus domino, aut contra eum gladium stringere, etiam vulnere non secuto. Eadem veneno aliove modo insidias truere. Castrum, domum aliave bona domini vi aggredi. Fœdus aut amicitiam cum hostibus domini iniire, intellige, in perniciem domini; fecus de inita ad alium effectum, prout hoc ipsum limitat Clar. q. 54. hoc enim non esset contra fidelitatem. Dominaum sine iussu Magistratus criminaliter accusare, aut famosa aliqua actione pulsare, aut in simili causa agere testem, aut advocationem contra dominum, si feudum neget; Circa quod notat Clar. quest. 59. non cadere vasallum à toto feudo, si neget partem seu certa prædia, sed tantum à parte illa negata. Ut etiam non censeatur feudum negasse, ita ut incidat in pœnam privationis contestando item, & negando narrata, uti narrantur si arcana Domini dolosè reveleret. Si eum in acie deserat; si non præstet debita servitia, & agat contra contenta in juramento fidelitatis. Vasallum tamen non cadere à feudo, pro quo præstanta certa pensio ob eam per biennium vel triennium non præstata, tanquam communem cum Alex. conf. 9. num. 3. l. 3. & aliis astruit Clarus q. 51. cùm ea à jure non numerentur inter causas feudum amittendi, & universaliter loquendo, si inferat domino gravem aliquam injuriam aut laisionem in bonis corporis, famæ, fortunæ; item si vasallus sciens circa hæc bona imminere domino periculum, eum de hoc non certificavit, ubi potuit, vel etiam tale periculum, ubi potuit, non fuit amolitus. Huc etiam refert gravem deteriorationem rei feudalis Molina in consuetud. feud. Parisiens. §. 80. quest. 166. cum aliis; idque exemplo emphyteusos. Quam tamen sententiam sibi nunquam placuisse ait Clar. q. 56. eo quod, cùm feudum sit quasi donatio respectu dominii utilis, non debeat esse in consideratione, etiam notabile damnum, quod facit vasallus in re feudali citra præjudicium dominii directi. Secus tamen censem, si vasallus dissiparet vel delapidaret majorem vel meliorem partem rei feudalis. Qualiter vero ob alienationem feudi factam sine consensu domini eo excidat vasallus, dictum satis est in antecedentibus. Illud porro circa hæc omnia notandum, cùm Claro q. 61. vasallum non amittere feudum, si coactus fecerit contra dominum pro quo citat Gl. in c. 1. §. porrò, qua fuer. prima caus. benef. amitt. & Gratum conf. 5. num. 13. l. 2. Idem est de metu iusto cadente in constantem virum. Secus tamen esset, si cessante vi aliave causa metus, pergeret offendere dominum. Clar. loc. cit. num. 2. Item cùm eodem quest. 53. notandum quod, si vasallus habens rem in feudum à pluribus, unum ex illis offendat, non cadat à toto feudo, sed tantum pro illa parte, quæ respicit dominum offendit. Arg. c. 1. de vasall. qui cont. constitut. Lobar. ubi vero feudum à pluribus in solidum teneret, rem non transiuram sine difficultate, ait ibid. Clar.

3. Ad secundam classem spectant si vasallus adulterium committeret cum uxore domini; per textum c. 1. §. 1. quib. mod. feud. amitt. Quod ipsum extendit Clar. quest. 8. cùm Ifernus ad cit. §. 1. ad vasallum committentem stuprum cum

uxore domini vidua; secus, si commisceretur cum ea, postquam transit ad secunda vota; idem extendit Reiffenst. b. t. num. 153. ad neptem, nuncum, sororem domini, etiam dum eis commisceri attentat. Si vasallus committeret scienter aliquid cedens in gravem injuriam personarum specialiter pertinentium ad dominum juxta l. 2. tit. 7. huc etiam reducit Reiffenst. loc. cit. si vasallus subditos crudeliter tractaret, aut nimium gravet, vel emungat.

4. Ad tertiam classem spectant crimen laïæ majestatis, latrocinium, & quæcumque gravia crimina irrogantia gravem infamiam juris.

Quæst. 438. Qualiter Ecclesia privetur feudo ob delictum Prælati?

R Esp. Feudum annexum dignitati Ecclesiastice Prælatus eam possidens, si unum ex recentibus delictis committit, non amittit absolutè Ecclesia, sed Prælatus quo ad fructus & redditus, quandiu is vivit, vel est in dignitate, reddit ad dominum directum, etiam laicum; Prælato autem delinquente mortuo, vel deposito, aut resignante, dominium utile à Domino reddit denuo ad Ecclesiam seu successorem in Prælatura (idem est de alio beneficiato habente feudum annexum suo beneficio) prout expresse & specialiter disponitur l. 2 feud. tit. 40. §. item. Rosenth. loc. cit. concl. 3. num. 3. Pirk. b. t. num. 14. Quod si tamen feudum ad mensam Prælati & Capitulum simul pertinet, solo Prælato delinquente, non totum feudum, sed ex parte tantum competentे Prælato proportionaliter quo ad dictos fructus & redditus amittitur. Alex. in c. verum. de for. compet. Rosenth. loc. cit. n. 1. ex ea ratione, quod, ut dicitur l. sanct. C. de pœnis. peccata suos teneant authores, nec ultra progrediantur metus quam reperiatur delictum. Unde etiam, si solum deliquerit Capitulum, id non præjudicaret Prælato, sed Capitulum solum privaretur. Sua parte, quandiu membra talia viverent, iisque mortuis, rediret pars illa ad successores: utroque vero tam Prælato quam Capitulo delinquente, totum feudum ad dominum, mortuis autem delinquentibus, ad successores Prælati & Capituli rediret. Arg. cit. l. 2. tit. 40. & reg. jur. 76. in 6. docent Alex. loc. cit. Rosenth. c. 10. concl. 3. Pirk. loc. cit. Reiffenst. b. t. num. 158. Tametsi enim ab initio feudum Ecclesia ita constitui potuisse, ut delinquente Prælato una cum Capitulo, feudum omnino amitteretur, id tame nullibi in jure expressum, sed potius contrarium judicatum cit. tit. 40. §. item. ad hæc per se durum est, nimis rigidum & æquitati contrarium, Ecclesiam privari in perpetuum bonis suis feudibus ob delictum personarum; cùm bona hæc non tantum ad usum & commodum Prælati & Capituli, sed imprimis etiam ad cultum Dei, ministeriorum perpetuam sustentationem, ad reparandam Ecclesia fabricam, ornatum altarium, sustentationem pauperum sint donata; ideoque iniquum fore, si delictum administratorum in omnium prædictorum præjudicium redundaret; ita Pirk. l. c. cum Abb. in c. 1. de dolo & contum. & Rosenth. l. c. De cætero feudum patrimoniale seu paternum & privatum, quod possidet Prælatus aliusve clericus, iis delinquentibus, amittitur, non fecus ac feendum, quod habet laicus; cùm in istiusmodi feudis astimentur clerici ut laici Rosenth. l. c. n. 1. Laym. in disce. de reb. Eccl. alien. thes. 95. Pirk. b. t. n. 13.

Quæst.